



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De clerico, qui propter poenas Lodeuici Lantgrauij, quas vidit, ad ordinem
venit, cap. 34.

urn:nbn:de:hbz:466:1-13177

imagine beatæ Virginis, & Psalmo's pro anima illius legente, affuit miser ille, miserrimis gemitibus sua indicans tormenta; quem cùm interrogasset, vbi esset, vel quomodo haberet, respondit; Væ mihi, quia æternaliter damnatus sum, propter artem. quam didici diabolicam; quia reuera mors animæ est, sicut titulus eius ostendit: consulo autem tibi tanquam socio meo vnico, ut ab hac execrabilis scientia recedas, & vitam religiosam sectando, Deo pro peccatis satisfacias. Quæ cùm viuus interrogasset, vt tutiorem fibi viam viuedi ostenderet, iterum respondit: Non est via securior, quam ordo Cisterciensis, neque inter omnem genus hominum pauciores descendunt ad inferos, quam personæ religionis illius. Retulit ei & alia plurima, quæ causa breuitatis omitto, eo quod in libro visionum Clareuallis scripta sunt. Iuuenis verò mox renuncians necromatiæ, factus est nouitius, ac deinde monachus in ordine Cisterciensi.

MAI. 18.

APOLLONIVS: Fateor in hoc facto lætitiam cordis mei geminatam. **CÆSARIUS:** Quia in ore duorum vel trium testium stabit omne verbum; vis audire de tertio clero penè simili modo cōuerso?

APOLLONIVS: Volo ac plurimum desidero.

CAPUT XXXIII.

CÆSARIUS.

NARRANTE mihi sapienti sene monacho nostro Conrado, qui penè centenarius est, cuius supra feci mentionem, didici quod refero: ipse quidem de Thuringia oriundus, & in armis ante conversionem exercitatus, multa nouit de actibus Loduici Lantgrauii, de quo suprà cap. xxvij. lögam texui narrationem; hic cùm moreretur, duos filios reliquit heredes, Loduicum scilicet, qui in prima expeditione Ierosolymitana, quæ facta est temporibus Frederici Imperatoris, defunctus est, & Hermannum, qui eidem in principatu successit, qui nuper obiit. Loduicus verò, qui satis erat tractabilis, & humanus, & ut verius dicam, cæteris tyrannis minus malus, talc edictum proposuit; Si modò aliquis esset, inquit, qui veris indicijs vera mihi de anima patris mei dicere posset,

posset, bonam cortem à me reciperet. Audiebat hæc miles quidam pauper, qui fratrem habebat clericum in necromantia quandoque satis expeditum: cui cùm verba principis indicasset, respondit ille: Bone frater, diabolum aliquando per carmina vocare consueui, sciscitabar ab illo quo volui, diu est quod eius colloquii artibusque renunciaui. Instante milite oportunè, importunè, ad memoriam ei reducens propriam paupertatem, promissumque honorem, precibus eius tandem clericus victus, dæmonem vocauit: vocatus, quid vellet inquisiuit; respondit clericus: Pœnitet me tanto tempore recessisse à te, indica mihi obsecro, ubi sit anima domini mei Lantgrauij. Ait dæmon: Si vis mecum pergere, ego illum tibi ostendam. Et ille: Libenter illum viderem, si sine periculo vitæ meæ illum videre possem. Cui diabolus: Iuro tibi per altissimum, & per tremendum eius iudicium, quia si fidei meæ te commiseris, in columem te illuc ducam, huc querendum. Ponens clericus propter fratrem animam suam, in manibus suis, collum dæmonis ascendit, quem infra breve tempus ante portam inferi depositus, introspiciens clericus, cōtemplatus est loca nimis horrenda, pœnarumque diuersa genera, & dæmonem quendam aspectu terribilem, super opertum puteum residentem. Clericus ut hæc vidit, totus contremuit: & clamauit dæmō ille, ad dæmonē baiulū; Quis est ille, quæ tenes in collo; adduc eum huc; Qui respondit: Amicus noster est, & iurauit ei per virtutes tuas magnas, quia eū nō ledarem, sed animā Lantgrauij domini sui ostenderem, sanumque reducerem, vt omnibus tuam immensam prædicet virtutem. Ille verò statim operculū igneum, cui insedit, amouit, & tuba ænea puteo immissa tam validè buccinavit, vt videretur clericō totus tremere mundus. Post horam, vt ei videbatur, nimis longam, puteo eructante flamas sulphureas, Lantgrauius inter scintillas ascendentēs simul ascendens, videndū se clericō collotenus præbuit, ad quem ait: Ecce præstò sum miser ille Lantgrauius, quodam dominus tuus, & ytinam nunquam natus. Cui cleri-

DE CONVERSIONE

34

cus: Missus sum à filio vestro , vt ei renunciare possim de statu vestro , & si in aliquo potestis iuuari , mihi dicere debetis . Respondit ille: Statum meum bene vides , hoc tamen scias , quia si filij mei restituere vellent tales possessiones talium ecclesiarum , propriis nominibus eas expriment , quas mihi iniuste usurpauit , & sub titulo hereditario ipsis reliqui , magnum animæ meæ conferrent remedium . Cui cum clericus diceret : Domine non credet mihi: Respondit: Ego dicā tibi signū , quod nemo nouit præter me & filios meos . Accepto signo , & Latgrauio , eo videte , puteo immerso , per demonem reductus est: qui licet vitam non perdiderit , ita tamen pallidus & languidus rediit , vt vix agnosceretur . Verba patris filii retulit , signa ostendit , sed modicū illi profuit . Non in hoc consentire voluerūt , vt possessio-nes restituerent . Respondit tamen Lodovicus Latgrauius clero: Signa cognosco , patrem meū te vidisse non dubito , propositum tibi præmiū dare non renuo . Ad quē ille: Domine , cortis vestra vobis maneat , ego co-gitabo quid animæ meæ expediat , relictisq; omnibus , factus est monachus in ordine Cisterciensi , cōtemnens omnē laborē sustinere temporalem , dummodo pœnam euaderet æternā . Ecce habes tria exēpla , quod quidā conuertantur timore vel visione pœnæ gehenalis . Possem tibi de his adhuc plura dicere , sed in aliis distinctionibus illa tibi propono differere . APOLLONIVS: Si talia homines videre possent , puto quia tam libere non peccaret . CÆSARIVS: Ita est ut dicis . Audi adhuc quod supereft exēplum , videlicet , quod quosdam conuerti cogat non morsus conscientiæ , sed amor conseruan-dæ innocentia , & desiderium cœlestis patriæ .

CAPUT XXXV.

*Amor
caelstis
patriæ.
Apoc. 22*

IN monasterio sancti Panthaleonis in Colonia , quod est nigri ordinis monachorum , iunenis qui-dam fuit nomine Godefridus , puritatis eximia ; inter fratres suos sine querela conuersatus , secundum disciplinam ordinis illius . Et quia scriptū est: Iustus iu-stificetur adhuc , & sanctus sanctificetur adhuc , deside-rio supernæ vitæ accensus idem Godefridus , & quia se-cundūm